



### 「大智度論」集粹之五十四

# 論菩薩功德成就



(此非玄談) 關即處出五 素燻出五 某若而  
(信非玄談) 味非玄談 靈類寺道將 尚元

掛與法寶，行  
答：不阿。因  
香印以繼難行對  
至心出要言正立  
出五。去此觀圖  
出五本論第一  
必需要十位聖賢  
南勢轉運圖家至  
此五無。答：亦  
由三於此五觀此  
答。此間景否何  
籍。素燻出五主  
兼善事，由其勢  
，請修言關此五  
庶不另奔來再語

## 智 銘

佛告須菩提：「是阿鞞跋致菩薩摩訶薩，大功德成就就是阿鞞跋致菩薩摩訶薩無量、無邊功德成就。何以故？是阿鞞跋致菩薩摩訶薩得無量無邊智慧，不與一切聲聞、辟支佛共故。阿鞞跋致菩薩住是智慧中，生四無礙智，得是四無礙智故，一切世間天人無能窮盡。」

須菩提言：「世尊！何等深奧處，阿鞞跋致菩薩摩訶薩住是行六波羅蜜時，具足四念處乃至具足一切種智！」

佛告須菩提：「深奧處者，空是其義，無相、無作、無起、無生、無染、離、寂滅、如、法性、實際、涅槃、如是等法是為深奧義。……若菩薩摩訶薩，如是甚深法與般若波羅蜜相應，觀察、籌量、思惟，作是念：我應如是行，如般若波羅蜜中故；我應如是學，如般若波羅蜜中說。若是菩薩能如說行，如說學，如般若波羅蜜中觀，具足精進，一念生時，當得無量無邊阿僧祇福德，是菩薩摩訶薩超越無量劫，近阿耨多羅三藐三菩提，何況常行般若波羅蜜，應阿耨多羅三藐三菩提念，……一念頃超越劫數，是菩薩摩訶薩行般若波羅蜜，遠離眾罪，所謂離阿耨多羅三藐三菩提罪。是菩薩摩訶薩行般若波羅蜜，一日所得善根功德，假令滿如恒河沙等三千大千世界中餘功德，猶亦不減，於餘殘功德，百分不及一，千分、千億萬分，乃至算數譬喻所不能及。」

阿鞞跋致菩薩得無量無邊智慧，不與聲聞、辟支佛共行者，要先知而後行，行已受其功德，以是故說功德因緣由於智慧無量無邊。智慧者，所謂般若波羅蜜是。

菩薩住是般若波羅蜜中，能生四無礙智，一切法實義中，智慧無礙無障。既知義無礙已，分別種種諸法名字，為說義故，是名法無礙。是名字要由言語，由言語故出是種種名字，是名辭無礙。得是法無礙及辭無礙，便樂說諸法實義，是名樂說無礙。菩薩安住四無礙中，一切眾生問難，無能窮盡。

阿鞞跋致住是（四無礙）深奧處，能具足六波羅蜜，四念處，乃至一切種智。空乃至涅槃，是名深奧。所謂空，非直口說名字故空，分別解諸有相；內不見我，外不見定實法。得是空已，

觀一切法相皆是虛誑，有諸過罪，若滅諸相，更不作願生三界。此空是得道空，非但口說，是故言深。空亦復空，若著是空，則有過失，是不名深。若空從破邪見故出，是為深。若於空中，亦不著空故亦深。

觀五象生滅，破常顛倒，觀畢竟空，破生滅。何以故？空中無無常、無生滅故。無生滅有二種：一者、邪見人謂世間常有故，無生滅；二者、破生滅故，言無生滅。此中破生滅，亦不著是不生不滅故，名為深。諸煩惱難除故，言離欲寂滅故深；錯誤易，真實難故。如、法性、實際為深涅槃，諸梵天等九十六種道所不能及，故深。涅槃中，一切得道人，入者永不復出，故深。

此中說空等法深，是何等空？有人言：三三昧昧空、無相、無作；心數法名為空，空故能觀諸法空。有人言：外所緣色等諸法皆空，緣外空故，名為空三昧。此中佛說：不以空三昧故空，亦不以所緣外色等諸法故空。何以故？若外法不實空，以三昧力故空者，是虛妄不實。若緣外空故生三昧者，是亦不然，所以者何？若色等法實是空相，則不能生空三昧，若生空三昧則非是空。此中說，離是二邊說中道，所謂諸法因緣和合生，是和合法，無有一定法故空。何以故？因緣生法無自性，無自性故即是畢竟空。是畢竟空，從本已來空，非佛所作，亦非餘人所作。諸佛為可度眾生故，說是畢竟空相。是空相，是一切諸法實體，不因內外有。是空相有種種名字，所謂無相、無作、寂滅、離、涅槃等。

正觀色等一切法得涅槃，色等諸法因涅槃故甚深。是故：經中說：色等如故深，色等如，即是正觀。所謂如非是色，非離色。是甚深法與般若相應，觀察、籌量等，一念生時，得無量無邊阿僧祇福德。觀法得無量福德，而福德從大慈大悲愍眾生故生，如罪亦由惱害眾生故得。菩薩煩惱未盡故，應有福德果報。蓋菩薩不證，更有生故，便有福德。諸法實相，得有深淺，是菩薩深入實相故，一念中，福德無量無邊。如是一念因緣，事超一切。菩薩如是行六波羅蜜，所得福德無量乃至無數譬喻所不能及。

佛告須菩提：「般若波羅蜜，是諸菩薩摩訶薩道，乘是道，

疾得阿耨多羅三藐三菩提。菩薩摩訶薩欲得阿耨多羅三藐三菩提，應方便學般若波羅蜜迴向。行般若波羅蜜菩薩摩訶薩，知因緣起法亦空，無堅固，虛誑不實。何以故？是菩薩摩訶薩住是十八空，種種觀作法空，即不遠離般若波羅蜜。若菩薩摩訶薩如是漸漸不遠離般若波羅蜜，漸漸得無數無量無邊福德。無數者，不墮數中！若有為性中，若無為性中。無量者，量不可得，若過去、若未來、若現在。無邊者，諸法邊不可得。」

離般若波羅蜜，恒河沙等劫供養三寶，不及一日行般若波羅蜜。菩薩行般若，過二地，入菩薩位，成無上道。般若是諸佛母，住是般若中，能具足佛法。般若波羅蜜無雜毒，正迴向故。

有為法皆虛誑，不得以虛誑法入正位，得聖道。菩薩行般若波羅蜜時，所作福德，知皆虛誑，空無堅固，心不著是福德，是福德清淨故，勝餘福德，此中佛說菩薩善巧：學十八空，雖觀空而能行諸功德。雖知涅槃無上道，而憐憫眾生故，修集福德。雖知一切法相不可說，而為眾生種種方便說法。雖知法性中無有分別一相無相，而為眾生分別是善是不善，是可行是不可行，是取是捨，是利是失等。若菩薩雖觀畢竟空，而能起諸福德，是名不離般若波羅蜜。若菩薩不離般若波羅蜜，漸得無數、無量、無邊功德。何以故？若菩薩初學般若時，煩惱力強，般若力弱，漸漸得般若力，斷諸煩惱，滅諸戲論，是故得福德無數、無量、無邊。

所謂無數者，不墮若有為性中，若無為性中。三世量不可得，故名無量。十方邊不可得，故名無邊。又空中盡不可得故名無盡，數不可得故名無數，量不可得故名無量。無邊不可得故名無邊。四事名雖異，義是一，所謂畢竟空。

是空法相不可說，若可說，不名為空。佛以大慈悲心憐愍眾生故，方便為說，強作名字語言，令眾生得解。諸聖人得諸法實相，入無餘涅槃時，不墮六道數。是實相法亦不墮有為、無為等諸法數中，是故說無數。量名，以智慧稱量好醜、多少、是非等；諸法實相中，滅諸相故，是故說無量。諸法實相不可量故，說無



邊。是實相法寂滅故，說無著。是實相法我、我所定相不可得故，說空。空故無相，無相則無作、無起。是法常住不壞故，無生無滅。是法能斷三界染故，名無染。更不織煩惱業故，名涅槃。如是等有無量名字，種種因緣說是諸法實相。

一切法終歸於空，歸於空故不可說，不可說義即是無增無減。是諸法如、寂滅相，是無上道相。寂滅者，不增不減，不高不下，滅諸煩惱戲論，不動不壞，無所障礙。菩薩以般若波羅蜜方便力故，亦能令布施等如寂滅相。

佛告須菩提：「菩薩摩訶薩不用初心得阿耨多羅三藐三菩提，亦不離初心得阿耨多羅三藐三菩提。不用後心……不用離後心得阿耨多羅三藐三菩提。是中菩薩摩訶薩從初發意行般若波羅蜜，具足十地得阿耨多羅三藐三菩提。……十地者，具足乾慧地、性地、八人地、見地、薄地、離欲地、已作地、辟支佛地、菩薩地、佛地。具足得阿耨多羅三藐三菩提。菩薩摩訶薩學是十地已，非初心得阿耨多羅三藐三菩提，亦不離初心得阿耨多羅三藐三菩提，非後心……亦非離後心得阿耨多羅三藐三菩提。」

菩薩得無上道，不以初心得，亦不離初心得。所以者何？若但以初心得，不以後心者，菩薩初發心，便應是佛。若無初心，云何有第二、第三？第二、第三心，以初心為根本因緣。亦不但後心，亦不離後心者，是後心亦不離初心，若無初心，則無後心，初心集種種無量功德，後心則具足。具足故能斷煩惱習，得無上道。

菩薩從初發心來行般若波羅蜜，具足初地乃至十地，是十地皆佐助成無上道。菩薩於十地，地地中觀具足，二事具故名具足。菩薩滿足九地，修集佛法，十力、四無所畏等雖未具足，以修習近佛故，名具足，以是故，言十地具足故，得無上道。

是諸法，皆因緣和合故，非初，亦不離初。非後，亦不離後而得無上道。諸法畢竟空故，不生不滅，為眾生以六情所見，以心有生滅故。心滅已，云何當更生，若心滅已更生，則墮常中。生滅是相待法，有生必有滅故，先無今有，已有還無故。若心滅

即是滅，則一心有兩時：生時、滅時。說無常者，心不過一念時，如阿毘曇經說：有生法，有不生法；有欲生法，有不欲生法；有滅法，有不滅法；有欲滅法，有不欲滅法。生法現在一心中有二種：一者、生；二者、欲滅。生非欲滅相，欲滅相非生，是事不然。若滅相非即是滅者，應常住，若常住，即是不滅相。「如」，是一相不二相，心憶想分別因緣生故，是二相。如無所知，心有所知。「如」畢竟清淨故無所知，心有所覺知故。離如心亦如是，何以故？一切法皆有如，云何離如而有心？如中無分別，是知、是可知，是菩薩不住如、法性、實際，直行深菩薩道。如是行，是為行深般若波羅蜜。

菩薩如是行，為第一義中行，第一義中行非取相行，一切法畢竟空，無憶念，即不行相。相從本已來無，但為除顛倒故，不壞法相。菩薩不作是念：我當破相故行般若。是菩薩未具足佛十力等諸佛法，以方便力故，不作有相，不作無相。何以故？若取相，是相皆虛誑妄語，有諸過失；若破相，則墮斷滅中，亦多過失。是故，不取有相，不取無相。取相即是有法，不取相即是無法；方便力故，離是有、無二邊，行於中道。

此中佛自說因緣：所謂知一切法自性空故，不著有無。自相空破一切法相，亦自破其相。菩薩住是自相空，中起三三昧，利益眾生。眾生於六道中，種種作願受身：有人不攝心，不能修福，自放恣隨意造業，若墮地獄。有人攝心，能折伏慳貪，行布施、持戒等善行，是人生欲界天中富樂處。有人離欲界、除五蓋，因信等五根，得五支等諸禪，則生色界。有人捨諸色相，滅有對相，不念離相故，入無邊虛空處無色定等。是諸所作，皆是邪願。何以故？久久皆當破壞墮落。菩薩以是無作三昧，斷眾生作欲。眾生見是來去、語言諸相故，謂有人、有我、有所，起顛倒心，但憶想分別故，有是錯謬，菩薩以空三昧，斷眾生我、我所心，令住空中。又眾生取諸男女、色聲、香味、好醜、修短相，以取相故，生種種煩惱，受諸憂苦，菩薩以是無相三昧，斷眾生諸相，令住無相。以是因緣故，具說三三昧，教化眾生，功德成就。